



**B**alderus filius fuit Othini celeberrimi apud Septentrionales populos magi. Hic paternis artibus instructus, res mirabiles peregit, atque ab omnibus diuinitatis honores acquisiuit, anno 3240. Cum autem Balderus eandem puellam Nannam cum Hothero rege deperiret, magnæ cōtentiones inter eos exortæ fuere, adeò ut tandem res aliquoties ad crudele prælium deueniret. In ijs Balderus suis præstigijs plerunque uictor extitit, atq; Hotherum suo regno eiecit. Cum uerò tandem Hotherus paribus artibus instructus esset, obuij Balderi latus hausit, eumq; seminecem prostrauit. eo uulnere tri- duo elapso Balderus obiit, Danis eius fortunã pu-

blico mœrore prosequentibus. Vnde exercitus eius corpus, regio funere elatum, factò colle condendum curauit. Eum tumulum quidam longo post tempore, ueteris sepulturæ fama uigente, noctu adorti, spe reperiendæ pecuniæ, repentino horrore moti, cœptum reliquerunt. Sax. Gram. Hist. Dan. lib. 3.